

晚晴移詩匯

晚晴移詩匯卷一百二十九目錄

孫超曾 一首

張善恆 三首

于祉燕 四首

安曰潤 二首

李家駿 二首

祝悅霖 三首

殷增 二首

周以豐 一首

周嘉生 一首

盛徵興 三首

馬功儀 一首

張寶 一首

周孝壘 一首

范起鳳 二首

曹培 一首

鍾會齡 三首

王敬之 四首

謝應芝 二首

姚清華 二首

張學鴻 二首

吳觀 二首

石嘉吉 二首

冒書崑 一首

吳雲驥 三首

徐湘潭 六首

謝紹謀 二首

金璋 一首

陳文藻 三首

方洞 二首

及慶源 二首

呂迪 一首

朱興悌 四首

徐文心 三首

查奕慶 一首

劉侃 三首

查有榮 一首

邱光華 一首

章上弼 二首

陸應宿 四首

厲志 四首

陳權驛 三首

李忠鯁 三首

鮑臺 三首

梁松年 二首

張思齊 二首

彭泰來 七首

龔立海 一首

魯武茂 一首

張清標 四首

方陶 二首

鄒美中 一首

晚晴蓀詩匯卷一百二十九

徐世昌

孫超曾字傑園號石溪玉田人諸生有海岑詩集

出村

小步斜陽外平原澹夕煙東風吹短草野水上春田蒼翠
遙林合澗洞別浦連牧童清興好弄笛柳橋邊

張善恆字他庵安邱人有菊夢廬詩鈔

秋日憶雪航二兄

不耐蕭條甚秋思苦自吟愁添千里雁夢冷十年心重以
思兄念因之別恨深登城閒散步風雨滿霜林

拜管幼安祠

英雄爭逐鹿百金買寶刀賢者貴自守一笑甘蓬蒿所以

管幼安立志脫塵囂子魚非吾友謝絕揮金交斗祿原不
屑況肯臣孫曹濯足滄浪水歸來白髮搔荒祠何年建再
拜仰清高感歎不能去葉落風蕭蕭

題東村茅舍

雖設柴門畫亦關衡茅低架兩三間平分窗外千竿竹高
卧林南一枕山釀酒每逢秋色暮鈔書常愛紙痕斑蓬蒿
原是吾家物仲蔚年來久不刪

千社燕字受甫濰縣人有澹園詩鈔

晴沙

晴沙此遙矚煙渚翔水禽觀其自得意頗似余初心中年
與世接觸物懷憂襟因狂遂成謗舉踵多沈吟有時吐奇
氣蒿目對山林汗漫九垓外誰復論知音

游道士谷

入山若入甕石棱嘴履敝劃然一壁開青松蟠腹內息足
老子宮啜茶文公地鼓鐘謝凡響雞犬含僊意蹇裳清流
中抛杖白雲外絕頂長嘯罷一擲塵埃事

西嶺出層霄東峯拂高鳥紆迴千徑通詰屈百靈繞石疑
虎豹蹲樹儼龍蛇掉畏踐犖礪翻慣捫松鱗老古塔未易
登僊詩讀難了耳聾覓前呼目眩俯下杪挾勝興益濃辭
幽心尙杳到麓瞻所歷不辨但窈窕

哭景棠墓

徂謝歸邱隴荒寒接道周故人猶在此春草不勝愁半世
無閒日中年已白頭九重泉路邈萬事竟悠悠

安曰潤字玉如長山人諸生有信芳園吟草

醉步

醉步蓬蒿徑新詩取次成書燈隔簾影茶鼎沸鑪聲驟雨
隨風過殘雲逆月行蛩吟倍高興相和到天明

懷石子真明經

先生真與世情疏久掩柴門只靜居半世春心傷杜牧十
年秋雨病相如語逢慷慨多經世詩有推敲每起予咫尺
相違竟三載教人頻望隻輪車

李家駿字金門一字芝農河內人諸生有有真意軒詩
存

訪薛宜堂

花氣滿闌干相逢意灑然君憑詩作業我以石爲田得句
雲歸洞談經月在天三更人不寐鐵硯欲磨穿

題黃山谷帖

怪石靈槎筆下生
臨淵不測雲神清
只知詩到蘇黃盡
染翰誰傳奕世名

祝悅霖字碧崖南匯人諸生有玉蘭山館吟草

秋晚登樓

捲簾恰喜雨初收
村巷雲堆秔稻秋
紫雁一聲紅葉落
夕陽人倚竹西樓

秋江晚歸

日隱疏林暗空江
生暮寒鷗搖蘋破綠
楓落水流丹碓杵
聲聲急炊煙處處攢
遙憐小兒女幾度候門看

舟中感興

綠楊裊裊水平隄
酒醒篷窗日影西
小倚雕欄正無賴
隔

溪杜宇一聲嗁

殷增字曜庭號東溪震澤人有孤鴻編

詩話東溪爲譜經侍郎尊人幼工詩縣人袁樸村韓
松陵詩徵斷自國初至乾隆間止東溪爲補輯六朝
至明詩爲前編樸村以後詩爲後編性孝
友悲其兄棟香早世故以孤鴻署其藁云

垂虹橋步月

雨餘天晴風亂吹雄虹飲水首下垂雷公鞭之不肯起幻
作長橋掉其尾我來正值暮秋天江水江風欲化煙萬里
澄空天洗出一輪高湧古嬋娟夜靜塔鈴雲外語宵深鷗
鳥沙際眠劃然長嘯江水立清寒直偈魚龍骨手持鐵笛
船頭坐寡鵠離鸞吹入破擁被江心夢不成可有羽衣掠

船過

飛來峯

峯頭欲刺天石脚不著地怒同虎豹蹲聳作干將利一洞
境一轉曲若穿珠蟻何年靈鷲峯來此作遊戲團團千菩
薩刻石徒好事何補山川靈已鑿混沌意山靈遭俗手想
爾亦短氣頗怪寺中僧指客誇靈異小坐冷泉亭泉聲四
山沸卽此生道心悠然得靜契好詩忽然成飛來亦天外
周以豐字少蓮吳縣人有散花小草

小雨

明滅初陽細不勝濛濛漸破午煙蒸灑花有色知春暎潤
野無聲兆歲登平遠江山俱入畫深沈樓閣已宜鏡忘情
未得吳孃山祇恐聞愁觸又增

周嘉生字橫雲吳縣人有鉢花小草

新綠

空庭客散集鳴禽
繞屋千章樹氣森
影復餘花生畫靜
路迷乳燕識春深
乍過風處纔通日
好放晴時又作陰
不是卷簾人易倦
天涯一望總關心

盛徵璵字小雲太倉人諸生有嘯雨草堂詩集

野步

負郭人家蠶上箔
隔溪村落犢歸田
滿隄楊柳滿畦菜
黃到維摩嶺上煙

積雨書悶

一簾宿雨漏沈沈
岑寂空階尠足音
江渚楊花身世感
池塘春草弟兄心
縱傾濁釀愁難滌
不讀離騷怨已深
無賴游絲兩三尺
半明半滅溼牆陰

不寐

支枕不成寐，枯鐙一穗明。
風聲收草閣，雪意聚江城。
兀兀殘年逼，茫茫獨客驚。
如何今夕酒，無計戢愁兵。

馬功儀字棣園，上元人。諸生有倚雲亭詩存。

一例

西風吹冷客心孤，青鏡鬚眉失故吾。
一例依人混南郭，十年廢學悔東隅。
蛟龍剝蝕懷中劍，湖海塵埋掌上珠。
千里江鄉歸不得，空教笑士到樵夫。

張寶字仙槎，江甯人。有仙槎游草。

將之都門留別秦淮

平生心跡寄浮槎，此別真成萬里賒。
滿篋雲煙新供養，一囊琴劍舊生涯。
秦淮秋月初移棹，上苑春風好看花。
他日尊前勞記憶，六朝松畔是吾家。

周孝燠字逋梅吳縣人有還讀廬詩鈔

蕪城

錦帆南下柳初青一瞬繁華夢易醒
天上瓊花原有樹苑中腐草尙爲螢
賦詩臺冷留殘月文選樓空落曉星
此日經過何限感更誰歌吹竹西亭

范起鳳字紫庭寶山人諸生有瘦生詩鈔

晚游楞伽山

石室何年築來游日已曛野煙空際斷
清梵靜中聞鶴去盤青嶂僧歸度白雲
林皋疑暮雨木葉下紛紛

懷張明府履觀伊犁

天末孤臣爲涕零君恩歷盡短長亭
此時萬里休回首落日中原數點青

曹埭字稼山吳縣人有儀鄭堂殘藁

望亭道中

眞州帆集水差差愁絕編郎唱櫓遲日腳漸收雲黯處蘆
梢作響雨來時長牌短堠程初起聽水披風酒不辭失笑
別家纔一夜獨眠單枕有離思

鍾曾齡字杏霑號春畚寶山人諸生有紅藥山房吟藁

陶然亭

結想浮雲外翛然叩竹關車停殘葉徑亭對夕陽山蘆荻
含秋意風霜黯佛顏老僧眼獨冷來往幾人閒
地僻經過少煙銷竹外風雲深雙闕迴葉落四山空秋水
涵虛白幽亭避輭紅問途人蹟遠歸鳥隔林通

夜宿龍王堂

暮色蒼然至，輕煙靄四圍。
鶴翻空翠落，龍蹕晚雲歸。
掃葉烹香茗，攜筐採古薇。
一聲清磬響，不覺俗情違。

王敬之字寬甫，一字仲恪，高郵人。貢生，有小言集。

詩話寬甫爲石臚觀察子伯申，向書弟通小學，尤工倚聲。

早夏村居

花事碧谿盡，殘寒過麥天。
高林數點雨，深巷一聲蟬。
行藥去忘倦，枕書還早眠。
因知靜者妙，塵慮待先捐。

明史閣部墓

蝦蟆天子蟋蟀相，東南半壁思偏安。
金陵王氣復銷歇，蟲沙四鎮餘江干。
史公未造此開府，欲仗一木支艱難勝地。
煙花埽兵燹，孤臣戰骨空摧殘。
公之大節足千古，白日照耀丹心丹何必文山證。
前世始令曠代同悲酸，鼓鼙聲歇。

山邱在忠魂正氣歸衣冠衣冠不朽石碣短土花凝碧愁
荒寒我來憑弔讀遺翰獨爲俯仰生長歎紅梅點點忽飛
落猶疑誓師淚血臨風彈

無寐

柝聲聽無寐高館坐起忽涼秋湖上來夜氣怯病骨月斜
人影長星河澹將沒永懷東郡遙關山不可越悵望碧天
空臨風浩歌發

吳陵道中

一枕蟲聲夢斷餘游蹤落魄意腳踏路通海甸魚鹽賤秋
入江關草木疏遠影樓頭鐙上後新涼篷背雨來初不嫌
囊罄村醪薄萬事於今費破除

謝應芝字子階號浣村陽湖人貢生有會稽山齋詩

節婦吟

冷然秋風生蟋蟀鳴東廂繁霜隕木葉庭草淒以黃凌晨
甫盥櫛曳履登高堂翁姥兩年耄獨居不可長仰視浮雲
馳孤雁凌虛翔婦心不可見昭昭白日光殷勤謝翁姥涕
泣歸空房

唐襄文讀書樓歌

五言樓東懶雲閣飛甍四起相連屬樓畔槎枒森古木阜
筵樹大剛十圍紫藤盤繞垂溪湄梨花如雪當晝開朱闌
拂拂清風來襄文讀書於此樓經文緯武縹緗求儒者知
兵足韜略志意不與常人侔經義溯源在北宋勝朝取士
神機用前有守溪後震川先生竝峙成三人半山頽濱此
正傳思泉精詣難比肩古文亦稱大作手但恨詞氣猶傷

繁分宜當國竊權柄鈴山文序滋浮言泉石百年幾易主
此人此樓共千古文介大書刻石存鸞飄鳳泊蛟螭舞我
亦讀書寓此樓當空叱咤驚風雨斯文日逐江河下帷幄
何人能禦侮先生墳墓咫尺間翁仲依稀夜深語

姚清華字蘇卿金山人有絃詩塾詩

林以善

良畫鷹

黃塵捲地風蕭瑟白日晦冥天變色翻空一鳥從天來欲
飛不飛向虛壁金眸鐵爪銳莫當卓立風骨森開張將軍
猿臂不得控一時狐兔皆遁藏曹霸畫馬兼畫骨此訣流
傳幸弗失爾良畫鷹同畫馬運腕如風筆屈鐵長林月黑
陰風號紛紛妖鳥來林泉安得此鷹一奮擊埽除六合無
鴟梟

弄珠樓題壁

騎龍神女踏波去，手弄明珠入煙霧。至今萬頃琉璃中，猶有靈光莽回互。我持綠玉杖，身披白蕉衫。來登湖上樓，湖水如鉤銜。千年神物不可見，應隨雲氣歸巉巖。天風浪浪振屋瓦，倒捲波濤向空瀉。靈旗夜半偶一來，醉抱冰輪斫龍鱗。

張學鴻字潛齋常熟人諸生有濫竽齋詩集

寒夜獨酌

高垣傳漏迴斜月，度窗闕無客酒難醉。有書鐙不孤苦吟，閒短枕深坐託薰鑪。萬籟收寒夜，銜杯且自娛。

舟中望壁社湖

清淮頃刻入邗溝，風便歸舟順水流。城郭萬家煙樹裏，一

天春色過揚州

吳覲字荆岷宜興人諸生有鶴園詩集

三渦阻風閒步湖上觀冰山

獵獵風逾健湖濱得壯觀天低鴻影大霜老荻聲乾突兀
排山峻玲瓏映日寒輸他漁戶樂赤馬架層湍

寒山寺

瑟瑟吳江正落楓碧山古寺獨攜筇寒空鳥下巖邊塔殘
照僧歸徑外松虛寂高齋無俗韻風狂彌勒有遺蹤扁舟
卻趁寒潮去夢裏應聞夜半鐘

石嘉吉字藹士吳縣人有聽雨樓詩

春日郊行

水源行盡路三叉酒旆颺風樹影遮茅屋數家斜照裏土

牆缺處露梅花

玉階怨

怕見春歸去朝朝下翠幃落花如有意故傍玉階飛

冒書崑字漁舟號仁月如皋人諸生有友于軒詩草

將至汴曉行有作

雁聲驚旅夢林薄日輪紅滿橐新詩草半車黃葉風蹉跎
人事外流蕩病情中又向夷門過蕭蕭兩鬢蓬

吳雲驥字菊翁號嶽青桐城人諸生有嶽青詩集

和姚石甫春思

柳色依然作綠陰帝城回首倍驚心音書望絕雲中雁風
雨魂消海上琴最是五更憐夢少那堪百舌喚春深多情
我亦如君思苦憶寒天獨擁衾

和馬元伯

好山好水能無我一詠一觴皆有緣
自笑養閒真腹負轉思栖逸許身便
煙霞未見耽成疾風月何曾買用錢
曠世誰同莊子達逍遙快誦昔游篇

仲春書景

今年花信隨春早未到清明綠已肥
九十韶光忙易過幾多觴詠賞難違
烏犀出葉藤蘿茂紅斗含苞桃李稀
最是詩成豪興發留賓還欲典春衣

徐湘潭字睦堂一字東松江西永豐人
諸生有睦堂詩集

詩話昔張亨甫云西江詩學至蔣心餘
曾賓谷吳蘭雪而衰至徐東松而復盛
推許未免過情然當舉世空談性靈
獨喜爲樸淡直拙之詞如姚惜抱評
黃詩有滄氣曾求關所謂到人不愛
處自守孤芳亦爲特

立之士張亨甫去廣信時雨中留別贈之詩云南州
徐孺子清望實人師繫纜秋江闊銜杯夜雨遲斯女
眞絕續吾道固艱危各
飽千秋在沾襟陋散絲

夜坐

寒蟲號穹壁斜月炯虛幔幽客難早眠宵景孤賞慣未雨
葉疑溼不風天轉淡稀星八九顆錯落當戶瞰前村白差
差霜瓦光破亂大塊清絕氣傾洩在夜半安得伯牙生冥
寫入絲縵

漫興

雨過田園靜春風不待招新泥黏屐齒軟草度褰腰鳴綠
淺深水鵝黃長短條村童無一事趕蝶過溪橋

寄羽可

絕少黃金壯阮囊底須蒿目歎炎涼窮非我輩難勝任詩

到愁時轉覺強天下誰爲真富貴吾生端合老文章梅花
不厭空齋冷肯送春光入院牆

游青原山

名藍隱深邃已近猶無覿一徑循紆迴亂峯森蔽翼鐵立
石上松黛蔚庭前柏危簷炯金榜猶是宋題額覺王殿宇
雄莊嚴盛功德緣階鶴不怖聞鐘魚就食天香從西來鼻
受心有得旁廊轉深曲龍蛇走石壁顏魯山黃谷及李相忠
公忠義標心畫嗚呼百世下珍重摹手澤徘徊此循賞不

覺日西昃方丈借一甌凝神安偃息半偈參沈沈一燈明
的的夜來春雨寒夢破前山碧凌晨出西閣祖塔禮幽宅
傳聞牛鬼雄賴此鎮狂魄碧乳泉更奇頓足通水脈何人
安地軸一激高數尺地靈昭異境茲理究莫測東岡五笑

亭臨淵踞盤石髣髴三峽橋怒流奔霹靂戰兢戒徒侶無
使蛟龍獲茲山在吾郡叢林推巨擘夜來講學輩于此混
儒釋兩家互有人各各樹壇席可憐同盛衰風流今寥闕
倒荆花久枯五賢祠已圯我來縱游眺淹留祇一夕探勝
興雖濃懷古情尤劇不識千載後知否復此客

山居

茅廬七八自成村草蔓蟠窗山擁門地僻久無賓過擾晝
長閒與鶴通言西風晚日翻鷓鴣野水秋田長稻孫但得
優游遂小隱底須辛苦覓桃源

石溪客館夜坐示諸生

金溪距石溪少擘十里途養疴就鄰黨聊復兼授徒童冠
森立竹朝夕恆相於豈不念家室旬月便通書半生遠游

倦息肩中道舒時有糗糒入兼爲文字娛夜深月影高風
厲燈花麤諸生悉英茂努力勤經畚我醉一揮翰詩律將
毋疏

謝紹謀字大逸福建歸化人諸生有小菽嶠山人詩集
相逢行

今日亦相逢明日亦相逢華堂置酒生春風今日亦相逢
明日不相識翟公門巷無顏色

鐵柱觀

羽節風飄白玉臺半空聞樂奏蓬萊鳳階三級雞猶語龍
帳千年鼠尙猜曉月焚香人鬼雜紅塵濟物佛仙該旌陽
吏隱何曾傲說與攢眉入社才

金璋字左菽永嘉人有翠微山房詩藁

石塘

人煙不知處深曲數峯橫路截溪流入雲從館壁生村醪
浮月色客枕納松聲計日鄉關近山行第一程

陳文藻字愚泉平湖人
有鏡池樓吟藁

詩話愚泉詩得同里朱雅山指授清新刻露有青松
白石之致古詩饒有氣骨律體亦平正少業櫛繼以
養母弱冠始爲詩世以
比蕭木匠釋柯集云

秋夜同林雪巖小飲

雨霽疏林暮色昏草堂幽興託清尊夜涼小徑風生竹人
靜孤村月到門冷砌蛩聲和遠漏虛窗鐙影淡秋痕貧交
卻喜無他事不限吟情對榻論

梅花

昨夜寒香破凍魂一枝牆角倚黃昏夢回孤館塵無跡春

到空山月有痕煙外板橋殘雪岸水邊茅屋夕陽村可憐
冷落西泠路猶是亭亭立墓門

宿山寺

古寺荒涼對夕曛寥寥禪境絕埃氛斷巖石氣侵衣冷曲
澗泉流過竹分林靜鶴棲雙樹月山高僧卧一樓雲到來
便覺塵機息風磬泠泠入夜聞

方洞字從伊號星厓秀水人有卜硯齋集

題畫扇贈戴松門

十幅春帆天際飛籬笆短短隔漁磯山藏遠樹雲藏屋村
犬無聲客到稀

下北高峯

欲雨不雨天有影無影樹白雲從空來遮斷出山路

受慶源字積堂錢塘人諸生有小粟山房集

元夕寄戴比部金溪先生

敦元

郎官芋食最宜男元夜他鄉舊俗諳大有吉祥欣卜繭尙
餘風味互傳柑一天春氣銀蟾麗百道鎿光火鳳含忽憶
去年今日事歸帆初卸酒初酣

龍游雨泊

攤飯小眠起茫茫漲拍天煙江三日雨雲壑萬重泉山勢
谿流曲灘聲水碓連龍游城外路沾酌又停船

呂迪字長吉餘姚人諸生有屐山山房詩彙

秋懷

懶臥元龍百尺樓如聞宋玉慣悲秋西風白草蜻蛚老暮
雨黃花蛺蝶愁難爲鶴謀田二頃且將奴賣橘千頭破除

萬事無奇策試向糟邱覓醉侯

朱興佛字子愷號西厓浦江人貢生有西厓詩鈔

讀傅筱巖纂沈耕巖先生隱迹錄

復社名流誰與班閒披隱迹白雲間浮家遠泛雙溪水曳屩晴遊三洞山梅福吳門名已晦趙岐北海老方還寓賢爲立徵君傳鸞鶴高風不可攀

游石陵謁倪文卿先生墓

草莽書生依宋土北望中原思藝祖宮車淚灑牟駝岡雪恥不忘縛金虜袖中擬上中興書滿壁張圖森部伍布衣老不挂朝纓慷慨大聲咤廣武天涯淪落莽蕭蕭誰其知者陳同甫石陵原上高士墳佇立蒼茫爲懷古風流消歇七百年萬樹秋聲颯杜宇

餘姚懷黃梨洲先生

扁舟浮海後故國感沈淪
鉤黨收名士辭榮列逸民
風高黃竹浦交盡白衣人
石室鴻文富停橈一問津

次笠東屏迹疊韻

寄迹牆東成屏迹冬烘兀自著書閒
寒來背炙三竿日興到神游五岳山
埽徑頻因紅葉墜開窗不礙白雲還
吾廬吾愛多佳趣一種幽情未可刪

徐文心字良庵烏程人諸生有甲六集

草山畦

山寒水且落舟行趣不稀
浦樹數行斷野田浴鷺飛
艤舟常斜日植梨帶戶扉
田父笑相就濁醪罄依依
雞鳴野煙白犬吠南鄰歸
惆悵飄蓬客餘布未成衣

過茅氏莊

一棹隨斷冰數家隱溪口雞犬聚羣游場圃登前後夕陽
下桑榆寒花被古阜歲宴會有終壯心空復負感此念蓬蒿聊爾傾斗酒

貧女怨

不羨明珠佩偏來一片愁可憐閨裏月圓缺幾春秋命豈
荆釵薄容窺玉鏡羞寒衣空自擣相憶浣溪頭
查奕慶字葑湖海甯人諸生

山行

高眠白石愛松聲小犬頻來掉尾迎山缺恰看茅屋補雲
歸忽斷柳橋晴迷途好記臨溪樹冒險重題峭壁名偶共
老翁談往昔爲言桑海幾回更

彭縣言因卷一百二十一
劉侃字諫史號香雪江山人有香雪詩存

明湖道上

曉鐘散前林山人秋睡足短筇破湖煙一徑入寒綠行行
到深灣驚起兩飛鷁

秋眺西山絕頂

開樽飛鳥外倚杖暮鐘時天截餘霞斷人梯石磴危遠村
連野闊小谷得秋遲不覺歸來暮家家正晚炊

桐江舟中

灘到桐廬盡江流自此平遠煙圍小屋斜照起秋聲浪細
千鱗見風和一棹輕計程餘兩驛遙盼虎林城

查有榮字蘭舫海甯人諸生

詩話查氏海昌大族初白庵士以詩名其家餘風遠
被嘉慶中藹亭參軍人和與潘吾亭倡爲聲字韻詩

羣從及諸子弟世官南廬一飛也白有新春園揆梅
史奕慶詩湖逸放農徇稻生人洪清華有紫蘭筋有
炳琴筋從而和之吳山尊郭頻伽馮柳東輩亦依
韻往復次爲今雨聯吟集張荔園爲序而刻之

晚泊剡溪有感

微陰釀雨獨無聲繫纜沙汀野老迎芳草綠拖春水影布
帆紅帶夕陽晴難拋煙景偏荒學直爲窮愁易損名底是
青溪來訪戴山陰舊夢幾曾更

邱光華字旦齋嘉興人諸生有三畝草堂詩鈔

朱竹垞太史著書硯歌爲曹種水言純賦

太史跋扈翰墨場罷官長揖歸故鄉北垞之南南垞北有
亭萬卷羅縹緗著書等身老彌篤如起廢疾鍼膏肓經兼
鄭孔史班馬此硯晨夕時相將憶昔太史返大庾一百八
石載歸航硃砂斑紅雀斑黑鸚鵡眼碧鴉眼黃已聞榜人

竊其九餘亦散盡無留藏復從何處得端產軒然一笑誰
能詳曹君博物清門彥頻年鼓棹游維揚傾囊購得太史
硯巧偷豪奪啗襄陽近來好事工作僞片瓦輒欲誇香姜
卽如樊榭跋此硯謂曾過眼見數方晴窗展玩三歎息魯
鼎真贗空評量物因人重僞亦好況喜石質尤精良流傳
儻人俗人手何異黠鼠銜生薑誰知精靈默呵護前歸樊
榭後古香從茲定見虹貫月滄江夜夜生光芒

章上弼字竹隱嘉興人諸生有鶴舫詩鈔

嘯飢行

一旱逾兩年一水又三月雨暘旣失時災荒遂迭出自從
入秋來良田再淪沒隄防豈不嚴所苦人力竭秋場禾不
登日漸生計拙比鄰八九家薄暮炊煙絕側耳聞嘯飢傷

心難具述因思良有司救荒豈無術救荒救已荒所操術
已末要在裕其原勿使有所缺因事課情勤盡心及溝洫
催科鞭撲寬民得食其力先事不綢繆後悔徒操切瑣瑣
鄉里間貧富相贍恤蓋藏亦無多人眾不易活誰指千石
困聊爾濟倉卒慨此念哀鴻浩歌腸內熱天心本仁愛願
民足衣食胡爲降鞠凶蕩及萬家室粟貴性命賤攘奪恐
騷屑履霜思堅冰憂懷何時輟

葛嶺

蟾蜍靜吸初陽日蟋蟀秋鳴半壁天一種江山兩遭際忽
然富貴忽神仙

陸應宿字崑圃號筱雲錢塘人諸生有筱雲詩集

詩話筱雲爲袁簡齋彌甥少孤依其大母於隨園親承簡齋指授簡齋暮年名重求文字者無虛日頗屬

庾代因是詩
筆絕類倉山

到隨園

此身如夢到 卿嬾紙醉金迷 獨倚欄六代山 從高閣見四
時花向小春看 漫誇福地樓身好 轉恐奇書盡讀難 爲語
絳紗諸弟子 魯公門下有韋丹

韋丹以甥孫
從顏真卿學

雨中晚步

芳塘引步晚來天 柳色深沈暮色連 微雨小橋人獨立 鷺
鷺飛破一溪煙

綠珠

金谷樓前玉質摧 烏甌月落有餘哀 美人一點分明意不
是珍珠買得來

七月三日夜坐

玉宇微微襯薄雲
銀河何處問仙津
卻憐新月如新婦
才露蛾眉便避人

厲志字心甫一字駭谷定海人諸生有白華山人詩鈔

詩話駭谷工書尤精行草善畫山水蘭竹詩純學太白清微細靜不爲貌襲嘗作詩說云古詩最要有力有力則堅堅則光煩逼人作詩務在足意意不足詩可不作又言今人作詩氣在前以詩尾之古人作詩意在前に氣運之論列唐以後詩人於宋推梅直講於國初推施恩山與全謝山相合

登疊石嶺望霽雪

危徑盤盤綠細縷
行步坳側屢跛蹶
絕頂望見天際峯
一排張如折翟鏤
冰錯錐森萬象高
接彤雲暗空白槎
枒老樹雜野梅
忍凍作花少顏色
巖流挂玉何紛垂
互與枯藤縛危石
狐兔不出飛鳥盡
茫茫大地無人迹
山中應有素書在
安得相逢羽衣客

晚步

芳草已倦綠老樹猶酣青閒逕糝細花晚氣扶幽馨羣鳴
羨禽眾孤賞淒客零方園不盈畝一日且百經認茲雙履
跡朝來杳以冥鄰沾足吾醉清風吹牖楹

三月二十日同阮林登江心寺塔置酒作歌贈阮林
江心一塔何崔嵬七層湧地波滌洞低飛鳥雀俯叢樹高
空雲日手可麾岡巒四面競神秀城邑千家環迤逦夾岸
村落置芳甸薺菜花發堆黃埃東來春色鬱靡盡網緝大
塊爲生涯請君對此開懷抱酌君美酒傾金罍宇宙茫茫
一鑑冶窮達修短何有哉當前景物良可惜豈必人事論
興衰江頭潮生復潮落須臾變滅迅莫追浩歌向天天不
聞吹墮空使行人哀

謝池月夜

雨霽雲色淨天曠月華清老樹列池岸修闌無人憑坐拂
苔閒石移時微風生初蟲潤餘漬暗抱巖草鳴陰律行未
調細澀無齊聲感我千載念穆然來中情勝賞昔所企高
懷今與併闕寂了心悟茫然塵世輕

陳權輿字占甫鄞縣人諸生有簫樓詩藁

秋雨

西風急天漢挾雨到簾櫳詩意滿梧葉秋聲老草蟲有人
傷酒醒無計破愁工攬起紗幮碧呼僮護桂叢

西冷感舊

幾日秋風到柳枝可憐瘦盡綠絲絲我來獨立西湖晚只
有青山是舊時

謝疊山遺琴詩爲新安吳素江明經景湖賦

運窮江左天源涸六陵風雨日蕭索玉雁珠鳧飛滿天孤
琴破土久無著燕中流落轉吳中無人寶此三尺桐吳君
雅有古琴癖摩挲拂拭生英風抹眇檐前細審視署名隱
見疊山氏銘辭十六自成文東山之桐西山梓快哉神物
欣收藏題詩徵事徒茫茫清風亮節照白日何勞禿管重
低昂不如高置百壺酒招邀壯士一濡首酒酣耳熱劍欲
鳴便取遺琴試揮手一彈再鼓悲風生駢馳雜糅神魂驚
匡山怒濤忽千尺何人慟哭西臺聲悽悽切切欲愁絕絕
似蘭亭水嗚咽朱鳥歸來陵谷變萬里游魂肝膽裂悖雲
柳絮隨飛揚徘徊顧慕哀以長彷彿建陽東嚮日憫忠寺
裏夜徬徨請君推手勿終曲座上有人淚盈掬煙沈月落

冬青寒杜鵑
曉斷春山綠
玉帶生竹如意
靈物由來不終
闕松間石上遇
知音從此長留
在天地

李忠鯁字懶仙
鄞縣人有八瓢
吟館詩存

秋郊暮望

蕭蕭黃葉落
漁篷小立官橋
恨晚風隄蓼亦
知秋寂寞一枝
留向水邊紅

雨夜有懷

三徑雲俱黑
高齋燈自青
江湖牽遠夢
風雨到空庭
如此淒清夜
何堪闕別經
孤眠不成寐
望斷子雲亭

秋草

幾日蘼蕪徑
盡荒蕭條畫
出野人莊綠
波空想江南
影青豕先迎
塞上涼千里
相思愁細雨
六朝遺恨付
斜陽籬邊

水曲都如此何況西風木葉狂

鮑臺字朝金號石芝平陽人貢生有一粟軒詩集

留別朱愚谷

陰壑生微煙陽崖明霽雪撫景感蕭森況與故人別君材
如喬松礫硯多奇節振翰散連珠粲花矜慧舌示我琳瑯
篇碧海紫鯨掣良晤復幾時祖席悲金玖翹首眺飛鴻高
雲謝羈紲

湛湛零露繁撼撼朔風慄主人惜分攜華餞中宵設玉管
聲參差蘭肴恣餽啜坐久夜已闌寒鐙半明滅出戶霜天
高星斗燦以列方暉透綺窗明明如可掇對此發歡顏聊
復紆鬱結

反轡期詰朝騷歌何激烈悠悠陌路間與誰論金鐵浮雲

西忽東圓景盈復缺知君倘儻人飲冰忘內熱玉樹有芳
陰瑤琴無促節願言加餐飯努力師前哲

梁松年字夢軒番禺人諸生有心遠小榭詩集

初秋雜詠

有感夜孤坐相思斷復連獨彈幽怨調誰拂別離絃鶴警
月中露螢飛雨後天碓聲如識意莫到戍樓邊

杏花雨

胭脂淡冷罩冰綃宋玉牆東絳雪飄一夜小樓聽不盡幾
村新漲泛紅潮

張思齊字賢仲號無山順德人優貢有吟秋館詩鈔

峽江

一水穿雙峽孤城隱亂山暮天聞水碓斜日掩柴關地憶

巴邱舊溪如碧玉環欲尋梅福宅應在白雲間

秦郵道中

三十六陂水孤城一覆盂柳陰沿岸密山色過江無井鍊
仙人藥波浮明月珠樊梁溪景好畫本借倪迂

彭泰來字子大高要人有詩義堂後集

光孝寺新建虞仲翔祠爲會賓谷方伯賦

菩提身高煙雨碧訶子林空訪遺宅說偈猶傳五葉禪談
經誰夢三爻易文章方伯曾南城祠堂肇祀虞先生海外
韓蘇能愛士眼前屈賈有深情

方伯誤碑
比以屈賈

天發神讖碑久

傾千五百載新宮銘于禁昔歸虛座設孔融未死瘴鄉行
盜跖餘財豈足道可惜吳儂厭家寶遼海空思周舍言會
稽不許蕭何老嗚呼論世足感慨嗚呼沓同時幾傾倒弔容

從今祠下多心交自古生前少古今何代無賢才南州桂
樹初誰栽憑將薦荔傳芭意一洗江魚野鵬哀

滕王閣晚泊

西山一片雨暮色太遲前帝子仍高閣他鄉又禁煙家書
通粵使春水泛吳船往日登臨客關山最少年

湖上望廬山醉歌

挂席鄱陽船痛飲潯陽酒二千里外不逢人五老雲中忽
招手湖波一白吞長空波心倒濯青芙蓉石梁三道揭南
斗雲錦九疊張天風天風雲開宛虹不來洪荒昔濛滔天
可哀高厓絕壁不知幾萬仞禹航所汎下壓千崔嵬螭書
龍畫入石處亙古靈蹤翳神露紫霄直上連青冥咫尺飛
翔玉京路湖上南溟客醉賦廬山篇匡君兄弟笑相視問

我浮世今何年眼中陶謝兩黃鵠滅景遠入香鑪煙吟詩
吾憐孟浩然草堂亦愛白樂天儻與盧敖汗漫遊戲太清
上安知我身前度非青蓮浩歌叩舷風日美山雪春融九
江水江南江北青山多有酒不飲如山何

督亢行

黃雲屯空如萬馬督亢坡前馬不下斷虹掉尾入古城城
頭浩浩烏鴉聲昌國君亡郭隗死鶉首賜秦天醉矣刺秦
不刺燕必亡萬死一中當靈長鐵椎鉛筑亦此策只未先
將瀉池壁不識荆卿一片心當日躊躇待何客蕭蕭易水
光如刀秋風刮地吹征袍棧車輾轉天馬勞黃金臺古生
蓬蒿

過陳仲卿曇明經

通天上表沈初明懷刺生毛禰正平萬里客游何所遇五
年回首若爲情幽燕氣老新詩在湖海才多百感生獨愧
飄零東閣士齒牙猶有漢公卿

君言南昌見賓谷
先生問余近况

殘雨

殘雨如人語無聲復有聲爲誰寫幽怨竟夕不分明地僻
秋心早夢寒江水生江波一雙鯉應到越王城

昨寄雪漁
省邸書

訶林小住賓谷先生畫像刻石適成感賦

拂簷訶子落秋陰重向方池照古心青歲回頭人影月

皆

西黃塵彈指去來今虞祠片石寒山在樂令遺踪畫省深

昨日西湖街上過推敲畏續浪仙吟

今方伯熊公常鐔郎
先生女夫當時同爲

行省
坐客

龔立海字柱君號雲濤巴陵人諸生有垂雲山房詩集

重赴宜章

十載高臺傍定王，秋空一雁又南翔。
慚無楚典蒐雞次，喜有神風借馬當。
久別山疑逢舊友，慣游人似未離鄉。
不知都尉當年柳，故壘蕭蕭賸幾行。

先都尉公曾守宜章

魯武茂字蒼崖，長沙人。諸生有所圍詩存。

臨虛亭感作

一笠空亭我獨登，關山四望繞層層。
浮雲蔽日迷三楚，黃葉吟風下二陵。
心事不堪嗷狡兔，世情只可問青蠅。
平蕪毛血都凡鳥，擬化臨虛側目鷹。

張清標字令上，號竹樵，漢川人。諸生有竹樵詩集。

題杜茶村鐙船歌後

煞尾聲傳感逝波，南朝往事已銷磨。
蒼涼一掬興衰淚，迸

入漸漸麥秀歌

何處聞歌不可憐
秦淮絲竹委荒煙
傷心寄語阮司馬
慚愧春鐙燕子箋

漢川西赤壁街爲五赤壁之一
余數過之見垂楊數十株
搖曳西風落照間爲賦二絕句

街南街北幾停車
無數垂楊縮暮鴉
惟有夕陽消不盡
又隨秋水上蘆花

搖落新河欲上潮
西風吹浪打山椒
憑誰問取孫曹事
問聽漁歌出葦蕭

方陶字柳村漢川人諸生有醉菊亭詩鈔

月

片月如良友
相看不忍眠
况逢孤館夜
又是乍晴天
峯迴

明殘照霜清淨野煙何人吹玉笛聲落畫欄前

渡人巷遲友不至

楓葉平林滿蘆花淺渚飛秋風生浦口落日在巖扉坐待
幽人語甯知夙約違徘徊明月出獨送棹歌歸

鄒美中字華亭公安人諸生有燕石藏橐

晚發御路口

劃出滄江路歸舟落照邊天空秋在水客久日爲年薄暮
催帆急中流得月先誰欺羨魚者獨自釣寒煙

晚晴移詩匯卷一百二十九終

晚晴謦詩匯卷一百三十目錄

宗稷辰 二十二首

梅曾亮 二十一首

瑞元 一首

楊豫成 二首

陳偕燦 六首

許乃毅 三首

施彥士 一首

劉鴻庚 二首

蘇宗經 一首

劉廣智 一首

張海珊 九首

梁紹壬 二首

鮑作雨 四首

何殿春 二首

翁心存 八首

李棠階 五首

羅文俊 二首

吉年 一首

沈丹槐 一首

趙似祖 三首

吉珩 二首

張維屏 八首

姚柬之 十一首

鄒堯廷 二首

蓋鉦 一首

何熙績 三首

翟云升 二首

晚晴簃詩匯卷一百三十

徐世昌

宗稷辰字滌甫會稽人道光辛巳舉人歷官山東運河

道有躬恥齋集

詩誥滌甫早歲研精理學復留心經世之書所著論
說自深慮至俟命凡十八篇生平蘊蓄略具爲御史
遇事敢言嘗上平寇需才疏臚列人才以左文襄首
薦於任城修方正學祠重刊遜志齋遺書於京師建
正氣閣以祀國殤在里創立四賢講社李越縯王于
邁皆招致著錄越縯贈于邁詩云東林宗炳問講堂
繪衣膩袷坐蒲廊踞觚聽講不奪席出門仰而凌秋
光人生刺促不稱意誰謂少年足游戲各歸閉戶研
千秋莫逐雞蟲作生計蓋有微辭焉其詩力追正始
胸有古人非苟爲炳燻者自序少作謂方望溪先生
有言詩小道也古人弗重然則士大夫所重有主乎
詩之中者而詩可名詩亦不可不名也蒙之於詩不
克審格律求工鍊意之所欲言抒之於筆意盡則止
誠不敢令真詩人見亦不可令僞詩人見也
其所祈禱矣

樟樹鎮

誓師仗節見名儒，鹿渚於今緬壯圖。
客路雙歧爭楚粵，上流一柱扼江湖。
雄風力挽狂瀾迅，落日光搖大樹孤。
可幸承平長偃武，舊時銘碣委煙蕪。

舟行晚望

晚風徐趁布帆斜，細作之而浪感花。
雨後天光橫抹黛，海中日影倒成霞。
防江堞戍鐙先起，近浦漁莊樹半遮。
行到菰蘆深處泊，朦朧淡月照平沙。

抵金陵

鍾山雲氣鬱蒼蒼，兩岸菰蘆送雨涼。
天限長江雄鎖鑰，城連廣野壯金湯。
鳳凰飛去遺音遠，燕子歸來舊恨長。
寂寞水西門外路，哀蟬淒絕老垂楊。

貴溪

山胡靈曰龍虎道陵之地三十二鬼谷之天第十五大塊
何心任汝名奇稱更剏天師府蒼蒼者天果有師真視造
化如小兒傳家四十有餘代師不易姓誰知之吾索其說
久而得信州山川多怪崛中鬱靈氣聚鬼神子房兒孫逞
祕術循名責實古職巫史祝之屬禮不無赤松黃石本家
學天念乃祖容其徒不然張氏有何德而敢踵襲欺天乎
異鳥來紀臨安錢王疑塚也

異鳥來知縣堂券磚出書錢王錢王疑塚非一方治東

咸淳

志城北

萬曆

志兩志如騎牆史臣書葬稽後唐日在茅山之

原錦衣鄉大都假託歸荒茫想王虛遠謀孔臧卜於邑治
無盜戕確有徵信碑則詳李元臨安之功不可忘君不見

六陵乃遭髡逆楊名阡巨墓多羅殃惟王澤在吳越疆愛
人及樹誰忍傷非徒恃此爲善藏不然曹公七十二胡以
漳河敗露由飛鏹

揚州懷古

清游自昔豔江都前哲風流近有無上國文章重枚董才
人筦領仗歐蘇玉鉤月冷衰朝鑑金帶花明盛世圖廿四
垂虹湖卅六不堪極目送煙蕪

春逗珠陂凍已消青山殘雪氣清寥八仙種子還稱李萬
卷樓居舊姓蕭梅嶺衣冠藏碧血草堂絃管泣冰綃賣花
沽酒東原老吾愛吾宗見地超

治歌人去百年秋老樹依依動暮愁柳七魂從殘月弔春
三節愛畫橋游雞臺風雅淮南盡蠶尾詩篇海內收寶帶

河灣重迴首玉簫嗚咽舊江樓

竹林桂苑盛談經箋詁蟲魚汗簡青
注選餘風宜析洽導
江一脈總零丁藝林尙識睢陽氣
鹽俗曾居處土星煙月
誤人揚子渡滄浪清嘯共誰聽

途中書見

湖莊多放鴨拍拍煙波裏薄暮一竿招歸來抱鳧子
水國無薪木廚寒嬾子飢可憐大隄上偷拾敗蘆歸

光武廟和柳如珪韻

春陵一脈久棲遲赤手能舉大將旗紫色空摹周禮樣蒼
生深切漢家思驅除王業才同創保愛功臣賞不私千古
中興推第一宋高唐肅已無祠

入辰州界端險層出怪石窮極百態縹纜所引人如

緩稜山徑危仄處善士鎔鐵繩繫峭壁得攀緣焉

舟中無俚因書所見時甲申重五日也

志云鐵繩
遲則使所

掛

表延蓄氣地轉陡鼎州之尾五溪首奇峯嵯嵯矗星斗磅
礴盤旋忽左右非土非石凝結千載久風沙搏出造化手
因勢而成自岡阜蠢然巨石天半來硯硯磔磔一似羣羊
被叱下水走鬼神驅之鍵坤紐人力于茲復何有想自漢
家有事西南夷烏道窮搜入蠻藪三苗不待神禹殺六詔
遂憂李唐蹂伏波靈鼓不絕聲鴟鴞敢嘯獸敢風此徑一
闕頰洞開飛廬直上競抖擻百丈牽從石罅出驚湍潑船
急篙培纜夫偃僂類蠖負繭趾裸膚面深黝絕頂蛇行狀
蚴蟻巉巖怪石何所緣幸藉鐵繩貫且朽日數十里卯至

西舟人孔勞，况忍糾我思。天地愛中原，四裔在邊設險守。
山川屹屹爲金湯，木石森森列干楨。大利足恃大害伏，要
使幽遐絕氛垢。方今巖疆息兵化，已厚黍谷何憂更生莠。
書生之眼識培塿，蓬窗顧盼尤嚮缶。扼隘探原此焉取，聊
供談天之舌懸河口。忽聞大聲轟耳後，狂吟好續鯨鯢吼。

辰龍關

南去羣山簇劍鏃，天開絕壁壯蠻荒。關門曉啟風聲陡，戍
堠煙消月色涼。萬里巴黔聯臂指，一時苗犵盡農桑。猶聞
介子威名在，到此心雄廣武場。

謂羹堂
傅公

丫髻嶺

亂山如髮何鬚髻，一盤一轉雲層層。綠螺挽出見天巧，巖
妝靚黛爭誇矜。芙蓉高聳連天碧，風鬟霧鬢煙長溼。人如

蝴蝶髻邊飛絕頂梅花豔於雪上有花枝簪帶香下臨清
溪明鏡光東方初曙早晞髮皎如翠鳳鳴朝陽嶺頭登躋
髻頭住身在雲中跨雲去三十餘里菱湖開回首花鬢堪
仙露

汴京懷古

莽莽中原戒大河氣爭龍虎古今多宣防終少金隄策繁
豔猶聞雪苑歌蓬澤煙波飛野鷺良山花石付明駝名王
代謝聲華盡祇有夷門竟不磨

溪山紀游詩

丁亥六月二十二日曉借蕭齋出太平

茂才攜茗果以從溯流至鉢錫潭登岸北行逾嶺
至芝山憩僧舍巖若果摩挲寺後巖壁間古刻問
所謂芝巖尚在山側無大路攀藤荔循階石而下
路漸平易至巖初入門高而不宏入數十步即幽
黑而石寔低焚草炬燭之內深黝不知所極石乳
凝結有如人立者旁有巖煙達於外巖外巖上有

天然石梁梁後洞見巖底陡滑不能下惜少泉瀑
幸有大開洞溪水出田間壩上涓涓作聲以助之
巖中產靈藥仙茅橋柵竹不勝計下皆良田歸
則從平隴焉隴上望山石皆疊砌如城堞狀柳氏
所謂石城殆此類也過小坂橋而西日陶家沖又
過石橋而東至柳巖巖舊在山巖後爲人塞其竇
不可得入自宋以來始在中野有宋王淮伯清記
字尙可讀恨爲村俚削鑿形象索然大可愴歎出
巖南行至普濟庵小憩及水涯與趙茂才別度浮
橋而還時日已正午矣偃卧蕭齋竹榻醒而記此

居永十三年溪山如我鄉足所未曾到芝柳遙相望勝游

久思補每爲俗慮妨昨聞蕭子約入耳神已翔策勇無邊

巡豈畏火繖張登山先涉淵溯澗招一航舟沿染溪淥夾

岸花草香屢折逾清幽興懷梅壑長愚溪以上七古潭指

鈞鐻元址未暇詳魚疋悵阻舟我友示周行王孫老愚溪

山環井里旁導我先芝巖直上千仞岡荒寺負石壁其下

殊清涼茗果頓解渴幸得我友將石皆具巖形訝捨嘯且

強眾竅不盡闢通塞分明盲求巖轉不得履隋心彷徨遲
久始見之石戶蘿葛荒攀援入幽谷身繞龍螭腸漸入光
漸黝然炬照昏黃家僮學蛇行深探喜欲狂黑地見人立
凝鑄白石漿膚寸縫偶裂一綫偷天光外巖更陡絕洞口
橫石梁可望不可下坐嘯凌空蒼歸路徑平疇小橋通陂
塘中田突巖石柳侯曾相羊地僻人跡稀雲根任縱戕伯
清記猶存餘刻多迷茫搗呵責鬼物斧刃驅蝟蟾愛人及
遺迹忍不加禁防行行屢回顧懷古增慨慷連舟度帶水
無勞褰子裳歸來千秋館午晷當驕陽卧游續前勝清夢
飛篷艙袖中滿煙雲腳底思雷碾好景不能說但覺氣激

昂

借青園登繁塔

即繁臺卅周顯德初建宋重修明初削去三層以壓勝

斷塔荒涼王氣空檐鈴不語靜天風巢危鶴去青雲表水

徙龍歸大壑東梵簡舊曾繙善業塔壁宋刻十善業經略苔紋近已

繡空桐低徊無限滄桑事盡在蒼茫一望中

題王叔和憲中所藏磬石本蘭亭敘楊升庵跋云房元齡等摹臨蘭

亭鑄玉版九石版三此爲濠州磬石亦稱靈壁者也色如墨叩之琅然晤旁微缺會字磨滅羣右帶

流字有損背有右軍像成化中賈人得之日本案此帖雖小異玉枕縮體略相似鈎刻俱不工恐是

升庵所爲姑微風之以俟真鑒

升庵嗜古多創奇响樓石鼓紛陸離此本來從日所出想

自通倭初得之浮沈海外無人識落寞千年誰拾得成嘉

相去亦有年甕蠟不傷惟角折迨今閱世更長久寶物自

當不脛走真賞偏逢節相遲張制府百齡得此石藏之江甯節署揭呵定有

靈祇守頗類遺經估船傳鑿家過眼認雲煙人間晚出宜

珍異玉磬聲高玉枕前

題商彝圖爲王蓉洲憲成

在昔有殷秉金氣吉金創制尊彝良徵文韋苦宋不足罍
醜閒發千秋藏父辛佐鬲見阮肇詔異禮叔紛難詳子氏
四辛薄蠶曰小衰憑感謂小辛宜弗彰唯王曰旦紀辛幹

立十四禩邁成湯辛丁之間介沃甲初及復世承宗祊尊
爲父辛善紹述耿庇再造時平康凌都新出自寶器物聚
所好歸王郎王郎耆古辨奇篆五字鑄腹殊補錯鬲非款
足義假格禾爲餼省冊用亨想其奉將入考廟絜斟酌禮
升椒香無煩析木狀負荷不事立戈旌勇弔政與宥與出
誰手酉壺辛爵同其相此器父辛上又有干
支字皆紀造器之時土中剝蝕幾
元會遇子特顯精鏐光金焦媵鼎有故事虞山合度羣真

觴可以俯挹東海水或更仰斟北斗漿投醪潤澤徧天下
堯樽舜甕波汪洋白雲垂霄虹繞屋永爲盛世儲珍祥

永厯六年永州衛屯丁保狀歌

昔館鎮廨於營
檣廢紙中得之

西南殘局支龍虎

李定國力爭龍虎關

天香吹墜安隆所時在民餐

竹實年征徭難緩屯田戶

狀云保到左五所屯甲及戶丁某某

臙臙飄零紀

僭朝瀟江烏合尙喧囂晉王空慕沙陀節一入滇池燄盡

消

題金冬心徵君

農

臨東漢華山廟碑爲武筠莊

壽齡

所藏黃小松舊藏本

小松得之沈甯筠莊之婦翁李石屏亦得之沈甯今歸筠

莊則在
東平也

金天豁西爽浩浩鬱空翠文肖清明姿實事炎漢世郭香

察蔡書延熹八年事是名華岳碑海內本存二全者宋漫

堂缺者王無異

宏撰

冬心爲合樞神物乃一致未徵玉虹刻

欣見稽留字想其運筆飛揮灑出靈氣突如蛟龍躍赫若
風雨至離披裊藤蘿橫掃逞鋒勢黑疑偃松狀自得聖帚
意近楷竝近草更忘作分隸雙鉤旣遠勝重鐫翻不逮半
壁落秋盃殘芬賸巾笥誰謂金司農乃逢李都尉帖同傳
硯重珍比藏經遺到眼足稱福屢心仁知味書此豹斑餘
聊以當題識

梅曾亮字伯言上元人道光壬午進士歷官戶部郎中

有柏規山房集

詩話伯言稱爲駢體文旣聞姚惜抱古文之學始專
力於古文辭論者至以姚梅並稱詩不逮其文然質
直渾樸得詩教敦厚之
指此境亦未易幾也

贈左匡叔歸桐城

方君植之能說子古貌雄情無與比偶然折券散千金三
冬無裼心不恥矇矓世事若無意要最千年看如咫五勝
新推十六家一日曾行三百里竭來爲客至江南憔悴儒
冠尙如此馬生與君意氣親得錢沽酒爲佳賓酒酣歎息
新知樂客子逢人喜任真當途之子多羞貧熟視自循頭
土巾不如南畝還收身青鞋布襪誰能馴方君方君亦偃
仄千言不如十斛麥等是東西南北人送爾江頭獨歸客

贈鈕非石

散盡黃金鬢改元獨餘翰墨得留連時追苦縣光和體不
奏甘泉泰畤篇欲借方言行問字更從齊物證忘筌世途
何限烏焉馬鳥迹那禁有變遷

東坡定惠院月夜偶出疊韻詩汪均之得其手藁墨

迹二首共一紙紙殘一角虞山錢宗伯補以細字
疊東坡原韻

東坡昔作騎鯨游斯文冥冥若長夜傳流片紙萬牛迴想
見揮毫一鳥下細看濃抹如眉闊肯使奇才任胸瀉謫宦
雖成蜀黨魁悲歌不作湘纍亞廟堂無地能爾容風月在
天從我借經冬山竹碧初老駐春海棠紅未謝典竄豈因
撫禊帖敖游自喜依僧舍往事真成牛角花餘甘幸比虎
頭蔗眼前清景過始知身後高名生可怕作詩一笑公應
聞當日好官誰復罵

蘇公手迹十四書張丑藏經幾晨夜蠟箋久作煙雲空粉
澤誰看風雨下先生真放本精微後人僞體徒奔瀉一寶
何期得雙絕四家頓使成三亞小乙鈎疑漢女藏大橫箸

向留侯借幾行補作肥鴉棲半角殘隨隙駒謝蠅頭細跋
得蒙叟驥尾附名甘避舍況余書手同芽薑使我品題慚
杖蔗催詩閑受古人忙得句喜過難韻怕汪君汪君慎守
寶富人若求君可罵

題容靜止詩集

先師功業爛卿雲燕許常楊接世芬萬里天山新樂府三
年人海故將軍慚余西笑重投迹喜子南歸得論文終是
丹青圖畫客管城休策腐儒勳

澄齋來訝久不出因作此并呈石生明叔

十日不踏興勝寺張子訝我何深藏謂疑幽憂屬未疾豈
知發興搜詩腸我初學此無檢束虞初九百恣荒唐稍參
涪翁變詩派意趣結約無飛揚十年棄置久不事解散韜

帙從襃祥含毫叩景偶一試忽覺泥井生寒漿濃書細字
急不擇螻蚓詰曲肥鴉旁到口有物當一吐安能咽舌如
周昌古人精嚴有真放下手得快天機張六朝文士不解
此散葉駿馬驅跛羊三辰分光精氣薄語言縮畜如羸疋
雖然此中有涇渭豈得蕪穢誇汪洋句律稍悟嗟已晚嗜
好多可無專場千金狐裘飾羔袖漢冠晉製兼唐裝吾文
所病亦在此自成一家今未嘗當年猛志歷崔蔡翻恐汪
魏相低昂先生不嗔後生笑所慮惟此餘尋常誰與吾黨
二子妙解知我非猖狂

贈潘諮少伯

當年豪士客扶風曾以鄉兵占首功談笑尙驚黃鶴子行
藏欲問白鳥翁雨中裹飯勤深友日下繙經折鉅公莫訝

元文難索解應知並世有揚雄

讀東坡集有感

七載黃州已似家又從僮耳度年華東坡有地聊栽竹南海無人且看花白髮瞿塘悲劍器青衫滄浦泣琵琶飄零詞客多哀怨學道如公信有涯

書示張生端甫

我年未及十我祖授書時襟裾戒牛馬解授城南詩覆醢悲子路讀記淚綆縻謂我有文性祖亦爲噓唏先子留上都我母課中閨文選苦難字背誦行遲遲十九始出游雜覽如亂絲攬取得尺寸首尾終迷離吳門遇王渭交我顧廣圻語我六書學訓詁宜兼之凡校古人書不以他書資古書各義例熟玩窺其熾慚非性所好負此良友規頗獨

好文詞俳偶自娛嬉異之管君同謂此不足爲此猶冠玉
耳不見骨與皮皮骨且不見安能爲妍媸是時文派多獨
契桐城師洪鐘未殫叩闕響忽我遺言往理稍出徐徐會
其機讀書如養生薰蕕不同脾豈食大官羊腥膻離彭蜺
三史范已孱陳壽無華詞五代事簡略詞義獨恢恢老莊
荀管韓國策逮楚詞淮南呂春秋譎詭而倡披六經爲稻
粱此亦膏與脂不可一日無使人發華滋適口莫如約拙
養聊自怡劉君稱漢聖董生書玉杯謝力有未能吾知固
有涯吾子天骨高古風還可追鷓卵在啄抱庚桑慚魯雞
儻欲師古人爲子誦所宜

偶成寄仲卿彥勤兩弟

柏槻村中有故基吾宗苦約返茅茨黃精藥好愁難遇蒼

耳林深恐見欺北阮家憐門戶改南陽阡冀子孫知飛橋
一水千峯抱記取他年謁墓時

百年寄圃治城旁舊德猶存綠野堂祖父艱難留樹石弟
兄奔走隔壺觴極知飲啄宜山澤又恐鳴號望稻梁空憶
故園春色返半千閣下又青楊

戲書

未可稱居士頹然已放翁詩惟標腳氣文不愈頭風雄任
來嘲客袞無待約僮雞毛三寸筆何事反怱怱

贈陳頌南

慰客車多似水流左遷君自百無憂同官何意遭閭奉直
疏曾聞繼道州若訪石牛猶早計且歌金馬亦良謀書銜
從此稱光祿謝鮑詩聲讓一頭

中秋夜訪冷公調不遇

佳節歡友生良夜念孤客叩門適不遇惆悵緩歸屐天街
月舒波萬戶閉一白誰家酒兵闕豔豔燭翻隙歸來兒女
譁對月學扣額祭拜未云已瓜果競分擘此樂諒無與只
可近書策夜深奈明何相對惟脈脈

和座主湯敦甫先生游龍杖歌

春紅已退夏綠疏黃花未來人意孤誰歎發豔回春腴游
龍作花紅扶蘇髮鬚八尺堆珊瑚蕩搖秋空如畫圖世人
但誇顏色姝豈知直榦中不枯忍使花落隨犁鋤我師巡
圃爲踟躕試以爲杖輕若無刊落枝葉除根鬚以鐵爲距
漆作膚策之穩步如安車子美桃竹能給扶昌黎赤藤杖
自娛風流文彩二子都惜哉遷謫隨江湖豈若此杖忘崎

峴侍師緩步留天衢七十謝政神遽遽春光澹沲黎雲鋪
昆明芙蓉能白朱與爾同佩花間壺園官十客相友于乃
知草木遇各殊赤藤桃竹愧不如豈惟赤藤桃竹愧不如
孔光乃使靈壽污

贈邵位西移居

君別臨安山水來精廬應覺厭囂埃偶然移宅當金盃鎮
可藏書著玉杯深院無風能媚竹小窗如畫忽橫梅漫言
此是倪迂閣卻許詩人踏破苔

寄姚春木

曾訪夷門客大梁更尋耆舊溯襄陽秋風昨已歸張翰前
輩今誰過孝章家食若爲三畝計國聞曾備五車藏陳編
亦有平生志愧子逍遙一草堂

六月十二山谷生日邵蕙西舍人招吳子敘編修張
石舟大令朱伯韓侍御趙伯厚贊善曾滌生學士
馮魯川主政龍翰臣修撰劉蕉雲學正及曾亮凡
十人集於寓齋舍人有詩屬和

夏幄陰陰四圍碧沈李浮瓜香拍席涪翁生日是今朝七
百年逢吾輩客此翁翰墨如坡翁命宮磨蝎應相同春風
官羊未飽喫荔支卻啖戎州紅主人詩派江西續喜借古
歡招近局槐花韭餅雖已過黃雞作羹鵝掌熟新詩似擬
鶴南飛共飲一尊歌此曲我亦低首涪翁詩最憐作吏折
腰時只今更謫人間否安得停杯一問之

監利王子壽去刑部主政歸作詩寄之

君竟翩然返故居題橋應笑擬高車甯編荆楚歲時記不

讀司空城旦書詞賦飛騰聊自喜江山遼落興何如懷人
若問吳門卒尙有詩狂未掃除

懷余小坡

成都有客返江城謫宦知君別後情向關遲眠金雁驛留
川閒賦石犀行論文每憶今無輩避地應聞我更生回首
京華多樂事酒槍茗椀話深更

悼姚春木

君卒逾年我未知渡江猶寄贈君詩夢乖元伯真慚負書
達劉侯已悔遲伊洛淵源周士貴國朝文獻漢官儀一編
曾爲商遺集他日訂吾更倚誰

瑞元字容堂號少梅滿洲人蔭生道光辛巳舉人歷官

湖北按察使殉難贈太常寺卿諡端節有少梅詩鈔

游焦山後江行三十里收瓜州口月夜過金山作

船從京口渡水向海門流島嶼一籜火芙蓉三面樓湖隨

明月上山入大江浮回首髻齡事金焦同日游昔隨侍先君同日游

金焦二山

楊豫成字立之號繹堂陵川人道光辛巳舉人歷官南

安知府有享帚集

蘇門山弔容城孫徵君

輸金慷慨赴燕臺忠義真能激草萊抗節一生輕宦豎及
門兩代毓卿材伏生高壽傳經久邵子行窩適興來我過
蘇門深仰止名山高士各崔嵬

登晴川閣

江漢雙流合登臨眼界開煙波橫極浦雲樹擁層臺一笛

仙人渺干帆估客來芳洲鸚鵡近作賦愧無才

陳偕燦字少香宜黃人道光辛巳舉人官福建知縣有

鷗汀漁隱集

林薈籟日少香穎慧絕人九齡見祖曝書中庭乞取
昭明文選命以唐諺文選熟秀才足屬對應聲口槐
花黃舉子忙祖驚喜予之十二爲文詩千言立就早
登鄉舉九上公車不第以縣令赴閩權長泰惠安未
久以憂歸一生數奇晚號咄咄齋居士吳蘭雪曰
少香弱冠知名從余游於豫章見其詩如出水芙蓉
天然秀潔阮芸臺中丞同賞之久因公車鬱勃蒼涼
之氣時露篇章各體皆工七言歌行天矯離奇鸞議

獨闢一時壇坫

幾無或先之者

詩話少香詩秀脫豪宕江右自蘇園蘭雪之後足據
一席蘭雪與論詩謂當求味外味殆掃其所未至也

舟中望五老峯

我昨買棹渡彭蠡北風打頭吹細雨廬山縹緲沒雲中九
十九峯那得數朝來新霽湖光融船頭無數青芙蓉舟人

呼我看山起插天直指五老峯五老雲中稱逖叟商山四
皓難爲友女媧煨鍊巨靈摩混沌至今形不朽九疊丹屏
不可捫三橋橫互開重門香鑪列案紫煙裊其他一一如
兒孫嗟余學道苦未得探竒不到長庚宅誅茅有約負重
來坐令匡君爲惋惜今年四十已華顛五老相看猶少年
山中石芝儻可得梨眉鶴髮真頑仙明當更與山靈約壯
游何用誇五嶽徑驂白鹿從盧敖誰道長生不可學

登孤山

孤山屹立山形孤中流鎖鑰如門郭長江到此勢一束東
去匯澤爲彭湖湖光右射若明鏡江水左洩難方隅銀濤
澎湃地天杳渺視萬舸如羣鳧我疑禹跡親到處五丁策
遣夷娥驅蛟龍窟宅一砥柱地軸鎮壓分吳都中流遣鳥

事太褻彭郎遠嫁甯非誣古殿陰森試展拜默見翠羽排
明珠湘君神女例廟祀十姨二姑何必無危欄下瞰不可
極浪花倒卷奔天吳古今茫茫憂患積歲月忽忽江河趨
下山擊楫浩歌去船頭颯颯吹菰蒲

金吾名馬歌

霜蹏騰踏獅花鞞天產神駿儲神用一朝事起奮奇功
成死亦邱山重是時秋獮駐鑿輿小醜倉卒窺皇都行在
肅靜寒刁斗羽書飛報執金吾金吾報國能忘身馬亦奮
報金吾恩白碣路百五十里頃刻已達東華門萑苻掃淨
渠魁縛汗血桃花如雨落地上麒麟死不僵天邊房駟寒
侵角海內昇平用武稀酬恩已分終馳驅奚官入告金吾
吁丹青曹霸能圖之圖成感慨繫以詩藝林屬和紛離披

回憶尋常無事時羣馬食粟同驂羈事窮見節身其危不
爾碌碌終無奇馬兮何幸爲公知功名麟閣長追隨士死
知己亦良幸感激因公增涕淚願公愛士如愛馬毋令遭
逢出馬下

游棲霞寺作歌

山寺橫枕空山麓下瞰澄江浸寒綠十年有約踐何遲坐
令山靈笑鹿鹿峭颿昨自京口來潮聲風力帆爭開船頭
蔥翠忽吹墮瞥眼已見山崔嵬入寺但見山入山遙見寺
寺藏山曲雲爲封山入寺樓雨飛翠翠卷飛濤天半起佛
鐙無燄盪如水四圍苔色上蒲團一杵齋鐘出林裏我從
塵境踏塵忙到此鬚髮森寒芒深潭晝黑龍腥出古柏巢
空鶴夢涼層厓側爨不可數芒屨更入陰森處荒荒斜日

忽不明遮斷青松二百樹樹杪颯颯寒泉聲四時洞壑殊
陰晴舊宅好尋明處士移家擬訪陶通明山下舊有六朝
墓玉魚金盃成千古秋墳鬼唱血燐青歷劫山川一抔土
逝將結屋乳泉東懸厓撒手尋遺蹤山中石芝儻可食不
用貪看紗帽峯

黃樹齋侍御招同人讌集陶然亭時余將有玉田之
行作此誌別

各有千秋想輪君早致身神龍方作雨病鶴尙依人去住
情無奈悲歌意更眞明昕望南浦行矣孔璋貧

晚泊

知有人家在疏鐙出遠林魚龍腥夜市煙水淡秋陰月是
詩人魄波洶壯士心吾生齊得喪何用歎華簪

許乃穀字玉年仁和人道光辛巳舉人官燉煌知縣有
瑞芍軒詩鈔

仲冬十一日雪後登泰山絕頂放歌

泰山高高四千丈拔地矗立青冥上狂來直欲捫青冥安
得丹梯送吾往天風卷地浮雲開碧霞幻出金銀臺雪花
皚皚塞巖谷長嘯亂踏瓊瑤來紅門以上忽奇絕峯巒黝
赭鏘寒鐵氤氳膚寸瀰山頭瞥眼雲中一峯凸秦松漢柏
枝交橫奔湍飛瀑聲相迎聳身入雲失雲影煙耶霧耶空
中行摩厓壁窠隱復見模糊金碧梵王殿同游三子何處
來咫尺聞聲不相見掣鎖直躡南天門石磴陡絕驚人魂
瞳瞳紅日破空至一洗滢滢開乾坤下視塵寰在何許千
山萬山一齊俛白雲如海足下生一色茫茫到天宇洪厓

天半來拍肩招呼更上日觀巔一杯明滅滄海水九點隱
約齊州煙嵐秦烈燄焚書史豐碑屹立都無字七十二代
金泥封滅沒不知何處是吾儕遊戲人世間姓名豈必留
塵寰舉頭天外發奇想御風而去何須還

暮宿東嶽廟

塵世茫茫感今宵得暫休十州同一夢百歲此浮漚噓氣
吞江海騰身出斗牛摩崖碑畔宿心與白雲游

和魏春松師孤山探梅寄懷元韻

西湖作香海倒浸翠微嶂花開人未歸清夜夢來訪一笑
花底眠鶴子悄相向夢醒邊微羈那得任曠放天山五月
雪寒氣逼朝望見雪不見花雪在青雲上龍門天際遙矯
首萬山障奚止故鄉情惆悵難具狀何時從杖履一舸中

流漾晨興摘花餐夕歸答漁唱未了文字緣亦頗林泉尙
風塵豈初願樛材勞哲匠歲月嗟蹉跎消得屐幾兩餘杭
酒百壺神王興酣暢醉寫尋春圖渴筆見力量

施彥士字樸齋崇明人道光辛巳舉人官萬全知縣有

求己堂詩集

詩話樸齋通疇人術春秋三十七日食唐一行推得
二十七宋衛朴推得三十五樸齋推得三十四惟襄
公二十一二十四兩年連月日食衛朴以爲可通樸
齋謂古今曆法不能得又撰歷代大事表得乙部之
綱要詩用擊壤
體蓋非所長也

端陽前二日度葦蔴嶺

五月葦蔴嶺輕裘晚尙涼椒纔鋪地紫麥待伏天黃數點
犁雲犢千蹏曝石羊深山消溽暑人境卽仙鄉

劉鴻庚字西垣浙江山陰人道光辛巳舉人官漢陽知

縣殉難贈知府銜有青藜閣詩鈔

由長沙赴衡州訪高螺舟太守舟中感賦

帆力健於馬長沙頃刻過雲遮衡嶽影雪壓洞庭波舊友
分榮辱窮途受折磨未知東閣畔梅萼放如何

登沔陽新隄澄瀾樓

十二年前暫典州曾無暇日快登樓此來春水生江漢試
倚危欄瞰斗牛波起洞庭皆北泛雪消巴蜀盡東流尙書
砥柱功勳在祇要修防處處周

蘇宗經字文庵鬱林人道光辛巳舉人官新甯學正有

釀江詩草

漂母祠

世俗薄寒士那如一漂母異眼看王孫一飯亦不朽太息

淮陰子才高數不偶既報飲食恩難事司晨后有力同逐
鹿無智免烹狗生死事太奇都在婦人手畢竟愛才者食
報自長久祠廟小如拳千金能買否

劉廣智字德明又字智孫號愚谷番禺人道光辛巳舉
人官澄邁訓導有簾青書屋詩鈔

陳鹿萃長甫兄酉君弟過書齋與門人對月同酌
晚飯魚蝦果菜充一筵師友弟兄同簾波酒影初更月花
氣茶香小院風雜坐形骸忘主客屢空瓶益笑兒童還期
刻燭連宵詠不厭儒餐脫粟窮

張海珊字越來一字鐵甫吳江人道光辛巳舉人有小
安樂窩詩存

詩話鐵甫與同里張鼎父交莫逆論詩自謂好爲窳
眇超脫之致而刻畫精微澄然風露之表則鼎父所

獨得已不能到也辛巳榜前卒主試場文端爲作傳稱爲明體達用之彥得其人而不收其用極惋惜之

曉起翠微禪院

曉色孕太清澈心成寒碧了了新境來忽忽昨夢隔初看
眾綠分漸覺諸峯闢萬瓦靜撲地一煙動孤白微吟重闢
戶珍此夜氣積

尋仙源玉笥三台諸洞

名山如偉人洞達無內外軒然肺腑張癥結盡淘汰第一
稱仙源卉木交掩靄三台次第列眾石互鉤帶逼塞開堂
皇摩空揚旌旆九曲綠螳通一綫受天大奇險絕世狎舒
舒動天籟遂令風塵魄窅然坐遺蛻

冒雨同竹坡徧探攝山諸勝

秋雲抱雨意欲吐未能暢變滅四山間山山爭殊狀一山

橫而趨如與塵世障透迤樵徑轉四山拱相向驀入與雲
爭迴出雲之上一身著虛空悄焉心胸盪氛氳木犀香隨
雲徧空漲香空渾相合何處辨真妄

秋山寫蒼潤筆筆骨勝肉出力露鋒棱而不病老禿雙澗
分飛流怒與眾石逐東澗勢尤峻勁折如轉轂盤辟磴道
中恰與西澗撲探之源深深屢上山屢復雲白徑微分石
青氣自馥此中大人經聲出茅屋

山虛滅眾聞一磬戛空翠數轉般若臺知是散花地老松
作龍飛一一鱗甲乘遺形猶攫拏商竦落清吹無著野雲
姿不盡溪水意活脫此心妙以受煙霞媚

同盛眉庵攜諸童子走湖干看山

微陽發春妍生意脫寒縛萬物觀其始卽此道妙託童子

攜三五潑潑態可掬臨水坐不次得意同一躍積水何澹
澹眾山方莫莫遙天見斜照明翠蕩無著一點白鷗來偶
與虛空泊須臾天風起鼓舞波濤作落落寫琴聲和我山
水樂冥坐與心融邈然塵想廓游盡意不盡歸途亦綽綽

入翠峯寺上西岡待月

秋陽播餘驕不奪山行勇喜劇松風來飛落山翠重沙崩
路忽側泉駛石故壅倚天峯勢厚拔地眾木聳呀然佛宇
開金碧萬綠擁太古寂更寂開雲動無動曠然我神善以
受煙霞奉

夕景上東嶺暝色起諸壑獨立斂視聽無言合冥漠妙哉
此寸靈與月同一躍玉宇開虛空游氛掃塵廓下射三萬
頃瀕洞魚龍作仙風澹澹來佐以諸天樂

晚渡石湖

水煙忽上白漸沒青山杪不知雙橋明全約一湖小山店
不成市入夜人聲悄弦月忽悠揚併與西風嫻交秋已半
月殘暑苦未了所賴夜氣清聊遣毒熱惱知心通冥論矯
首凌空窅直出飛鳥先孤雲同縹緲

梁紹壬字應來號晉竹錢塘人道光辛巳舉人有兩般
秋雨庵詩

闌干

秋千容易下斜陽一帶參差蛤粉牆有限樓臺添曲折無
邊風月要關防屏山春鎖紅鸚鵡棟井宵迷綠鳳凰捲起
珠簾三十六有人背手繞回廊

羅幃無聲下玉階碧紗窗下小徘徊儘工宛轉和愁倚不

斷連環放夢來曲曲重門通隱約弓弓步履費疑猜閒庭
盡日憑誰掃隨意春痕漬綠苔

鮑作兩字雲樓瑞安人道光辛巳舉人有六吉齋詩鈔

嚴嶺

故人極富貴先生恆守貞坐釣澹眾慮非沾高尚名我今
返舊廬澄波濯塵纓山花莫相笑瀧水知予情

歸詠

我來定海游不睡定海井晨衙炯周防夕柝集深省孤傲
笑難降參謬惡多幸晶晶海色澄斤斤軍行整山光入北
牖仿佛羲皇境衰旣怪善忘老嫩苦便靜遺響流達鴻道
跡隨野電還往桂花時彌年信俄頃憶昨颶母飛摧絕估
槳影急雨傾天河十日餘涼冷才覺宿疾瘳且喜塵事屏

無睡神亦恬微吟宵轉永

鷺嶼吟寄京華故人

鷺嶼疑立南海中奔騰決莽來天風層巖峭壁勢飛動旬
如萬馬聲行空昨日春過二月半吳綿卸盡還揮汗一夜
寒風盪宿溫無冬無夏朝朝換我來鞭石驅神鼉長颺飛
袂尻輪飄振衣直上蓬萊頂東西烏兔窮秋毫紫鸞鏡水
矜羽毛長吟龍笛生波濤更誰遺我昆吾刀斬蛟截鱷青
天高積氣重溟水翻墨黑雲萬里動春色玉堂美人在帝
側且向天南望天北

桐江舟中

水向西流人向東今年光景昔年同紅鐙畫舫游天上翠
嶂雲嵐落鏡中峽轉駭翻三尺浪月明穩挂一帆風勞勞

塵鞅誰能脫，羞見羊裘垂釣翁。

何殿春字寶錫號紅藥新會人道光辛巳副貢有晚香草堂集

龍王宮晚望

臺殿鬱岿南溟入，望遙溼雲龍戶雨。殘日虎門潮葉墮，三城暮天高一雁飄迴。鷗起蘋末長嘯動荒椒。

過鍾澤流故居

翠合葵陰夕照斜，溪潮初縮見瓊沙。三間老屋寂無主，幾樹野梅寒有花。耽酒縱能娛歲月，參禪何遽住煙霞。蒼茫獨立頻搔首，風撼枯楊起暮鴉。

翁心存字二銘號邃庵常熟人道光壬午進士改庶吉士授編修官至體仁閣大學士因病乞休復起以大

學士銜管工部贈太保諡文端有知止齋詩集

詩話文端幼慧七歲能屬文唐陶山見而奇之使從授學淹貫經史百家言及貴務持大體尤以引拔人材爲急而不居其名久贊講帷因事總誨計慮深遠發爲歌吟亦有訐謨定命氣象諸子並顯世比韋平繫海內士望焉

題王藝昀江南詞後并示香谷

譜就江南絕妙詞
王郎愁緒正如絲
尊前莫唱家山好
腸斷青楓月落時

野田黃雀行

游莫逐雕陵鵲
棲莫近瑤臺
鶴瑤臺露冷鍛羽翰
雕陵風高遇矰繳
黃雲夾隴梁稻肥
關河阻絕不得飛
鷗波浩蕩鳥道嶮
巖鷹鷂下視
爵羅高施黃雀行
聲正悲野田餘粒啄
欲盡蓬蒿滿目將安之

棲霞阻風

塔杪鈴言替戾岡果然旗脚轉危檣
荒蘆撼撼戰秋雨衰柳垂垂空夕陽
鷓不困風先自退山如欲語笑人忙
支離病骨餘生在肯逐冥鴻下上翔

藥師院看新竹

江雲帖帖南浦飛江城清夏晝掩扉
鄙人生無肉食相冷嚼冰雪骨不肥
尙餘一點俗緣在妙藥欲仗空王醫
芒屨徑踏藥師院沙路細碎行人稀
深篁苞綠掩金碧煙外但聞清磬微
叩肩拄策得幽徑墜粉簌簌沾人衣
龍吟鸞嘯眾仙下琅玕萬个羃四圍
連天一氣碧雲合不知林外停炎曦
移時靜對坐磐石橫出旁茁無不宜
嫩黃便娟態嫋嫋空翠匝匝香霏霏
玉聲玲瓏風解籜金影瓌碎波含漪

初生勁節不數尺鬱鬱已具千霄姿脩柯似放一頭地轉
以側勢相撐披山僧頗解禪悅味留客且住搆軍持洗鉢
細烹葉上露兩腋習習清風吹內觀了了見癥瘕如飲大
藥調上池渭川千畝貯胸臆千戶侯吾不願爲癡心思乘
籜龍醉呼童斲取捆載歸寒酸笑殺白司馬苦竹繞宅哦
新詩

有感

人子朝暮出倚閭尙徬徨千里與萬里極目何能望嚙指
忽心動引領祇內傷伊余髻鬢時隨侍於胸陽山城霜月
苦講舍秋風涼母續兒夜讀共此鐙燭光兒方治毛詩讀
至四牡章掩卷忽有感清淚含兩眶阿母顧兒笑願兒學
范滂矧當太平時馳驅敢或遑男兒志四海安可戀故鄉

長跪謝阿母教兒以義方忽忽四十載膂力猶幸剛呀嗟
奉英蕩何如菽稻梁

出山海關

王氣東來接柳條長城西去盡臨洮雲屯萬雉環山海天
設重關劃薊遼三輔風煙開莽蒼兩京筦鑰鑱崑崙鯨波
不動蒼煙碧億載皇圖鞏聖朝

過無錫有感

春風吹綠滿平蕪路入梁谿水驛紆山色宛同鄉國好泉
聲還似舊時無愁聽子夜嗁烏鵲怕說寅年足虎貍欲問
元戎駐兵地沙邊煙雨總模糊

自題藥洲訪石圖

崢嶸蜃閣排空出天遣薤藏付童律神龍擊攫守榕根下

有驪珠三十一英光長闕七百年鬱律蟠伏全其天悔將
混沌書眉手鉤取裝賓躍九淵自從剔薛鐫苔後夜夜乾
文射南斗豈有夸娥負以趨只愁寶鼎終遭陪羊城眼底
風塵昏劫火燒殘字儻存升沈顯晦孰得失可惜玲瓏石
不言

李棠階字樹南號文園河內人道光壬午進士改庶吉

士授編修官至禮部尚書諡文清有李文清公詩集

詩話同治初元登用老成文清其一人也正色立朝
遇有大政事讜言侃侃中外傳其風采詩頗涉理趣
集有口占二絕句自注云吳佩齋夢行夾牆間幾不
得出子謂何不拆之拆盡天下之牆則天下一家中
國一人豈不游行自在其意
趣襟度亦即可見一斑矣

貴西道中

斫得松枝自煮茶貴西風物最堪嗟林稀偶聽一聲鳥地

暝猶開十月花
綠路氎衣苗
子俗半山茅店候人家
蠻煙瘴雨荒涼甚
徑仄崖傾日又斜

喜晴

雲雨淡旬殊悶絕
而今喜見日晴時
肩輿一路看紅葉
夕照半山吟杜詩

渡星宿江

穹浪翻空夜有聲
河清門外一江橫
火敦地古探源近
祿琤煙深繞郭平
南去波濤添瘴雨
東來輿馬阻郵程
何人駕得鼉鼉背
十丈虹橋指日成

和楊升庵采蘭引

上山采幽蘭
幽蘭苦無多
秋草隨山深
萋萋被巖阿
抱芳立空谷
豈雜薜與蘿
采之遺相思
路險雲雨過
蒼翠日滿

眼復恐蓀芷訛蓀芷訛猶可蕭艾將奈何

響琴峽

峻坡下千丈微徑兩崖逼峭立半空懸怒束一溪窄鳥獸
森絕蹤蛟龍踞窟宅天寒蟄不起煙雲滿山澤我來踏長
虹慨然擬鞭石魚梁名自古響琴理亦適空懷山水情不
見滄海客驅馬登絕頂迴看邈行跡獨立千仞岡舉首日
華赤

羅文俊字泰瞻號蘿村南海人道光壬午一甲三名進

士授編修官至工部侍郎有綠蘿書屋遺集

詩話蘿村工於館閣應制辭賦傳詩不多絕句最擅風調

甘涼途中雜詠

閩門列戍擁飛沙
毳幙氈裘久一家
飲馬長城天似蓋
亂

紅開徧戰場花

榴紅艾綠記江鄉
客久真教歲月忘
誰信烏柏山下路
雪花如掌過端陽

雙旌獵獵鎮飛揚
畫角聲聲說故鄉
立馬平羌臺上望
萬株紅柳倚斜陽

吉年字秋畬滿洲旗人道光壬午進士歷官順天府尹

冬筍

喚起靈根臘雪初
稚龍風味妙何如
新班早已先春薦
直節由來重歲餘
極冷淡時登鼎鼐
露圭角處謝苞苴
席珍預共櫻廚獻
肉食何妨盡屏除

沈丹槐字香巖嘉善人道光壬午進士改庶吉士

冷泉亭

清興健籃輿游跡隨蠟屐一往寒煙生其上列松柏空山
落葉深沒盡青芝跡云是冷泉亭清泉流白石泠泠綠玉
寒藹藹蒼煙積碎作琉璃聲瀉落石罅窄畫屏青巉巖倒
影浸石壁緬懷香山翁登臨憶疇昔游者信如斯美人一
水隔濯壘盛冷雲掃葉烹玉液坐久萬慮捐茶煙具空碧
趙似祖字秋客山東海陽人道光壬辰進士官刑部主
事有希音閣詩

田橫島石硯歌

田橫兄弟能得士五百英雄同日死蒼茫孤島葬英魂夜
夜靈風吹海水水中突兀生雲根碧血斑斑浸清泚落日
寒潮沒遠空老蛟捧出霞天紫陰雲潑墨黯黯飛魚龍呵
護終不毀有客探勝游東萊攜歸置我烏皮几摩挲三歎

秋氣高義士精靈今在此燃燈陰夜光青熒振筆疾書驚
且起筆端恍惚鬼神來口喫海濤落滿紙

旅次卧病得家書卻寄

繩榻相扶形影單滿庭落葉夕陽殘病深生死真難料客
久風霜倍覺寒忽有家書問消息仍將旅況寫平安高堂
白髮垂垂老省得開封掩淚看

秋月宿嵩山禪院

石笏碧嶙峋松關夜色新涼秋變霜露高閣帶星辰樹老
偏橫路僧寒不近人繙經然佛火頓欲解聲塵

吉珩字茶農滿洲旗人道光壬午進士歷官保定知府
有求放心齋詩鈔

過寶塔灣

昔日寶塔灣流水去復還今日灣前水流去何時已水流
無已時游人傷別離

居庸道中卽景

纔過雄關下石巒迴開別境畫圖間天低遙似繞村水雲
斷橫如隔岸山縷縷炊煙爭樹出行行歸鳥認巢還宵征
爲惜輿僮苦空負西斜月半彎

張維屏字子樹號南山番禺人道光壬午進士由知縣

歷官南康知府有聽松廬詩鈔

詩話子樹早有詩名與譚康侯黃子寶號粵東三子
以詩游京師一時傾倒覃溪稱爲詩壇大敵嘗編詩
人徵略又爲藝談錄攝撫詳備有
功文獻詩高華沈著不專一格

上元後三日同金茂園胡蔚巖汪搗中買舟過馮子

泉森竹園

春在山顛又水涯一枝柔艣劃漣漪
喚風吹我意常醉村路引人行不疲
雞犬聲從深樹認田園味讓老農知
菜花香處柴門掩寫出儲王畫裏詩

雨泊波羅坑

旅食路方永獨眠寒易侵春江流客夢
夜雨滴鄉心煙溼帆移墨村荒藥抵金灘
迴風益怒未礙裹頭吟

都門秋思

天半清霜壓怒鵬嵯峨樓觀倚丹霄
白河雁去傳秋信紫禁人歸賦早朝
夢裏蓬蒿蝸舍遠眼中塵土馬蹏驕
思鄉懷古愁如海轉覺名心似落潮

刀翦能傷獨客心授衣時節怕登臨
千秋葉落羣鴉舞五夜風來萬馬吟
種地幾人收白壁築臺從古重黃金
哀絲

明日系言四卷一上三二一
三ノ
豪竹朱門裏秋老都成變徵音

泛舟西湖

天光碧若湖湖光清似天衣裳忽異色我坐萬綠邊既罷
樹下酌遂登湖上船船頭見我影酒醒涼娟娟柳深百蝸
唱荷淨雙鷺拳艣枝撥水柔磬響隨風圓高峯吐白雲縷
縷如輕綿卻瞻黃妃塔界破南屏煙

九日粵秀山登高

夜聞花塔風鈴語明日天當不風雨曉來萬里無纖雲倒
挽澄江洗天宇峩峩南城公有似古歐陽山水之間得真
樂春秋佳日可以對客傾壺觴我時幅挾伏閭里公來挈
我翠微裏坐我越岡之側楚庭之巔吹我以五仙觀上之
靈風滌我以鮑姑井中之甘泉酌我以鷺黃鳴綠之美酒

示我以瑤繩金檢之奇篇使我沈憂得釋煩痾得蠲左把
雅川袖右拍安期肩飛觥脫帽銀海眩斗覺南溟雲氣浮
樽前五羊城中十萬戶下視漠漠蒼蒼然有人山下一矯
首望見酒龍詩虎皆神仙不知今日海內名山百千億幾
人高會羅羣賢朝臺安在哉歌舞亦消歇王宏頗解事長
房莫饒舌茱萸之囊繫臂求長生何似菊花之酒長不竭
百壺欲盡醉兀兀風馬雲車去飄忽山頭客散山不孤一
片飛來漢時月

客夢

客夢隨川曲羈愁逐夜長枕邊千里水篷背五更霜村小
雞聲冷庖豐鹿肉香道旁聞說虎獵火近前岡

雞鳴山外村村樹曉煙碧人行細雨中一路看春麥

姚柬之字幼樞一字伯山桐城人道光壬午進士歷官

大定知府有伯山詩集

阮芸臺曰五律精詣非盛唐以後之詩
伯山詩各體絕人七律尤沈鬱高亮情文相副質厚
而氣清句鍊而格渾張南山曰豪驅廣陵之
濤清挹巖岫之雪五律得少陵之神非同貌似
詩話伯山初宰臨漳繼任揭陽斷疑獄治械關政聲
卓越後擢大定郡守持大體不附和上官謝病歸詩
有雄渾之氣五七言近體尤亮拔不羣寄
意深遠一門羣從中與後湘殆如駉斯

北邙

朝發廣莫門夕登北邙山山側無居人白雲相與還宛彼
劉太尉威名震八蠻巍巍勸進表惻惻憂時難天道不可
知匹禪師嘽嘽英雄千古恨流涕傷心肝

滄江

風寒謝家聚雪壓毛公山人事悲何極滄江去不遣消愁
詩自解久病鬢先斑更少逢時仗煙波處處艱

湘水懷石甫

歲晚湘江上北風吹正哀靈均千古恨賈傅一時才生事
留詩卷餘情託酒杯隄邊逢驛使不敢寄寒梅

葉家洲

詞藻空南國飢寒返舊廬風雲催日暮星月落江虛短髮
悲春去丹心又歲除食其貧落魄悔讀未焚書

一一臺

山河雙闕險風雨二臺尊浪破天無岸雲垂海有門親朋
斷消息衰老在乾坤欲採楓香汁靈丸製返魂

葺吳蘭雪祠感賦

後死留吾在前塵爲汝哀文章眞寂寞祠宇已蒿萊此日
論應定當時事可哈陽明陪俎豆落月好歸來

自古遭讒慝多緣秉軸臣爾亡由市僧我病爲儒巾雲散
蠻荒雨天高京洛春平生多縞紵誰復念陳人

陳思王廟下作

九詠深知孤客悲西園夜宴不辭疲文章帝子難爭命落
拓才人空自隨斜日荒祠棲蝙蝠秋風故宅長江薜茫茫
又觸千秋恨玉軼雲旗有所思

穎口

丹楓黃葉穎城西淮水湯湯出古黎野鶴於人恆皎皎飢
烏何事復淒淒眼空京洛青天遠髮短江湖白日低安得
瓊蘇南岳酒沙頭一飲醉如泥

試院春陰得故人左匡叔書遂答丁茂才

飄風吹雨上雕闌瑣院深沈怯曉寒雞鶩喜陰爭握粟鸞
皇愁溼振雲翰故人寥落書來少貧賤交游語易酸賴有
丁儀慰岑寂漫寬杯酒暫爲歡

汲黯

中朝讜論久無聞一語猶能感聖君可惜經生漢丞相不
如奴子衛將軍崑崙使自窮青海封禪書傳起白雲下詔
輪臺嗟又晚眼前刀筆總深文

鄒堯廷字松友漢陽人道光壬午進士歷官祥河廳同

知有留耕堂初稟

梅伯言曰松友詩清而瀟美而深其邁
往不屑之致使人自得於言意之表

雜詩

貧居慕作宦作宦依然貧回頭更自笑馳逐徒踈踈稊陵
古項國風俗苦未消閭閻鮮生計何以稱撫循對此孱弱
區相顧徒艱辛謀生尙無術安能求富民厚實人所羨清
白守吾貞笑彼蘇季子多金焉足珍

巖疆數十里良楛各異族地連潁與亳獷悍習成俗頗聞
道旁言謂我少嚴酷撫心良自慚十載負民牧一邑如一
家痛癢關骨肉如何治子弟忍事日鞭扑秋霜豈不威未
若春風煥頽習詎難移惜無仁者術

蓋鉦字式如一字玉山蒲台人道光壬午進士官佛坪
同知有奚囊草

游仙游寺

從游來勝地古剎訪遺蹤竹暑聞清磬松涼納遠鐘崖花

迎面發澗草染衣濃無限登高意山深更幾重

何熙績字春民靈石人道光壬午進士官肅甯知縣有
月波舫遺藁

擬琵琶亭懷古

一葉溇陽送客舟荻花瑟瑟水悠悠江州自有青衫恨不
聽琵琶亦淚流

裁衣曲

料量刀尺故遲遲費煞停鍼不語時欲覓平時寬窄樣恐
郎愁減舊腰支

贈苗仙露

君卿甘寂寞長日閉門居不入宰官室誰知處士廬案頭
君子篋牀上古人書咫尺衡相望何緣蹤跡疏

翟云升字舜堂號文泉掖縣人道光壬午進士廣西卽

用知縣有五經歲徧齋詩豪

詩話文泉成進士後不樂仕進
家据以翰墨自娛工八分書

題屠芑堂狼山題辭圖

平生癖嗜古歐趙思繼踵遇石墨鐫華心爲子函動吾友
推屠公探奇賈餘勇側聞有狼山突兀海波湧嶺谷叢莽
中豐碑數十種石花苔蘚斑蝸涎泥沙擁模糊幾經年點
畫皆翳壅著屐盡搜剔籀篆窺汲冢蓬萊五色雲三島眾
仙影輝映古碑文天地開奇景紀詩並繪圖垂之千秋永
我今幸獲覩興復馳龍嵒願得一一手拓置巾箱與我琳
琅金籀同珍重

和石農文別駕

十年冰雪冷官衙。師友相看鬢已華。投贈欣承常棣詠，催
歸轉恨木犀花。離懷落寞三杯酒，世事蒼茫七椀茶。尺素
頻遺同會面，不須飲淚聽琵琶。

晚晴移詩匯卷一百三十終